



寶華齋彙紙
印釘第
號
領收
家藏

寶華齋
印釘第
號
領收
家藏

寶華齋

一
二
三

四
五
六

草書

草書

一

五

齊

齊孫以進篆




齊



水地圖



閩川山



滄桑陵谷自古而然世代綿邈故宮得毋
有茂草者乎今按吾家數百年堂構率多
存者各方遷徙靡常八景山川不改謹載
舊圖於編首使後之流寓他鄉者展卷而
如履其地庶其有素梓之慕哉

裔孫以進拜書



閔川十萬程氏本宗譜

裔孫以進重編

夔

模同編

繼善

漫較編

維屏

以旂恭較

士祚

夢覺

應允重梓

漫

延浩

士三同梓

士權

文重督梓

目錄

第壹卷

篆額

閔川山水之圖

錢太史謙益序

趙太史士春序

沈太史世奕序

宗喬太史芳朝序

宗喬太史邑序

喬孫維屏序

喬孫以進續修本宗譜記

喬孫繼善序

喬孫模序

舊序

唐上柱國喬孫洵序

宋都官尚書喬孫祁序

宋端明殿學士少師喬孫璘序

宋喬孫若庸序

宋歙州學正喬孫明序

元朝散大夫護都答兒序

明喬孫神童序

明亞中大夫吳瓚序

明少保黃淮序

明中憲大夫建昌喬孫燦序

明中憲大夫汪思序

明建昌裔孫於序

明裔孫鳴球序

珍公八子辨

十萬公辨

關集辨序

叙十萬程氏會譜後

第貳卷

凡例十一則

程氏統系圖 顛項至元譚

小傳 伯符至牧

第叁卷

程氏歷世遷居支派之圖

閩川支派圖

本支世系圖

本宗世系圖 忠佑公一世至十萬公二十八世

小傳 忠佑公至珍公

第肆卷

本宗譜系圖 十萬公二十八世至五十五世

第伍卷

小傳 十萬公至河池公四十世

第陸卷

小傳 四十一世至四十五世

第柒卷

小傳 四十六世至五十世

第捌卷

小傳 五十一世至五十五世

第玖卷

程氏庶公跋

先像

忠濟王 嬰

忠佑公 元譚

忠壯公 靈洗

威悼公 文季

十萬公 淪

宣議公 彥和

兩夫子世系圖 附載

豫國公 穎

洛國公 順

著作公 泰

司業公 式

承節公 士達

武翼公 邦傑

將仕公 從善

學正公 明

河池公 德

右武公 順

正六夫人 朱氏

宣使公 龍

孝子 懌

義士祿

希賢先生朗

柳溪公晚

隔峯公鵬

思園公

教諭公

從吾公炳先

十萬程氏先世文翰集

第拾卷

祚德廟申狀

翼德真人誥

晉新安太守墓碑

世忠廟記

世忠廟碑記

廣烈孚佑 應侯誥

忠烈顯惠 靈順善應公誥

重修十萬公墓記

建昌富溪先達名實附載

廟墓圖

閔口山川志

宮室志

續譜後記

閔川十萬程氏本宗譜目 終

閔川十萬程氏本宗譜

目錄

五

閔川十萬程氏本宗譜

序

新安程氏爲海內甲族余
與其宗之高士孟陽久共
晨夕因知有所謂十大程

者支分派衍各自爲譜不
輕傳會假借大小宗之法
猶得睹其備焉閔川十萬
公之後於十大程中尤號
多賢豪而長子孫於吾虞

者亦日以繁衍文學叔達
氏恐其渙而無稽則恩禮
或替而傳會假借者將作
又恐子孫散處四方不復
知先世之故宮丘墓與其

流風遺俗也積數歲之力
舉舊譜而新之偕其弟師
錫請爲之序夫程之在虞
邑雖尚稱僑居乎而儒者
彬彬譽髦賈者雍雍好禮

有吾鄉著姓所不逮焉者
推之新安與他郡邑宜莫
不然叔達壻於余叔氏師
錫幼從余游每聽其言家
訓謹嚴及救災卹患之故

未嘗不喟然興嘆也今觀
新譜所載世系源流瞭如
指掌土著流寓纖悉不遺
以暨先世之遺像故實廟
墓宮室山川土田靡不犁

然在目持是以昭示爾宗
俾展卷而有故鄉之慕詩
曰無念爾祖聿修厥德程
之子孫勿僅以甲族矜人
庶幾叔達之志也夫

歲在上章因敦三月望日
年姻家蒙叟錢謙益謹

撰



新安程氏閩川支譜序

新安風土倚山環水聚族而

居遠、控地、里、乃宗、派、於是、各

祖、其、祖、世、之、所、會、宗、令、之、痛、也

世、修、譜、牒、之、弊、也、是、以、程、氏、公、文

為新妻甲族之譚忠壯公
江勿絕兩夫子雖遠從伊洛原
本新安其他顯人碩士更僕
難數如閩川僅一友自十
萬公卜葉嘉公子孫文武

傳家忠孝矣世譜牒之感
過於斯况夫千家之坟墓
考依時五朝之編續爾書
憲大宗小宗信而可徵程
他譜不能索其此閩川一支也

新安人旅臺負笈好遊學四
方閩川程氏占籍多虞家少或
儒或賈歸多長者叔達氏尤彬
雅敦尚倫紀稽之往牒詢該宗
之重修譜系歷之載而如克者

成而又介其徑道通陽氣余一言
以弁其首余思譜牒以言譜
祖睦族而之字祖則族駁然補
族之法相仍多字各在皆睦族分
意幼養老振窮恤貧周禮地官

保息之志意可改而為也否則盡
次發何爵位幾何奉軸燭也即
寺誌晉書謝安嘗至之徒
張大其門闕而之在與前之所云
附會亭舍者支寧有間哉林

述氏其鳩宗人多剛告之

順治己亥閏三月

賜進士及第左春坊左中允

翰林院編脩年家春生

趙士春頓首拜撰



虞山後學河南汝寧府
推官年姻着生徐文蔚

書於玉尹堂



新安開川十萬程

平本字浩序

程之為姓海內多稱名程
如司馬黃武亦周宣忠
編字孤亦稱室年駢勳

我於漢武有疾配享於祀
遂此生先念也新安
程元如自晉七守元諱
如也公以惠民遺德
士田再傳與後豫章
院討

桓玄同德寧之於
孫不負
系寧
相素疾
寺亦
杜以
交
饒
為
征
府
紀
多
氣
出
或
悔
以
軍
才
程
帝
台
台
之
五
百
法
生
大
宗
如
嗣
皇
子
多
墩

一支分紘四方浸未才山
則河南南支支子生焉與新
安水少時致多志強夫學
士如政位出德業尤為表
表生地既富名以賢未息

接指是難吾時出推至
海而居宜并年生孝闕
閱之生強未見之子也
也吾友時物出為余是
宗族之信以子姓之榮也

極清之文章云以人未過也
山時致仕之從先考遊以
字於余因出卷以修本宗
譜系厚余為之序考
之曰湖以吾土也子孫

墩遷也十為公之祖也
古也婦也庶閩其有
庶也古石留手子孫勿
替引之也厥後一子以奇
生之余校覽卷四乃以

案牘于其繼絕結之結言
自吉事也之劍色色之或以
善心點或以司業事矣或以
法案諸等親征或以略平
詔獲第士或以川兵討賊

言生聖考大夫或以高相拒
寇既保義將軍或以初得
以之重德特少或以學之
是德振之或以信之或以
以於國恩或以信之或以

夫卡鞋或操執浮染姓嘉
位主品或及考乃女子或義
單字請或兄弟之深等
免幸多不亦亦一丁或轉空
代候妻如學里司去平手為

第或七也公亦一屯或五
古起亦一乘之或教友票
浩心一饒冠或四籍者
三象之究推正生一更而
其人皆存禁亦亦凡可法亦

以先光家多如余口望
之子

日海官籍林院海館加一

級年宗考中沈世矣

撰



書寧山後學成成進士

年家書生周文之

書東九田里



重脩程氏十萬公族譜序

嗚呼世風益下人心益偷如江河之流而不
返皆自不敦族誼始也夫族誼不敦祖知尔
貧季百尔弱我強尔至我智勉於冬秋
其以有視族人世三言於途人不漫孝弟
雍睦仁義禮讓為何物兒有敦崇古意
紹以至性者不鄙之乎迂腐公忌之乎

綉僻必豎之志之而已又曷怪乎江河之志之區
或矣族自始祖十萬之創業以年之居閩以
幾有千年其遷於閩建昌諸派者不
偏端即其閩之族也為秉禮守義我雖時
雖受於父兄子弟之勸勉未敢稍越於
最古之至於流風逐波墜其宗之此祀多
祖宗德澤積之者厚德之者長乎粵者

先志譜牒凡已三傳自孝孟梅塘二公後
隔以年久之五世子弟益蕃似流寓于襄淮
閩浙吳會之河者益衆多刻遺兵燹之
條各方散徙靡之志今不詳其婚媾列其
之系將水木本源派系之故言者有志者用
是懼之我阮叔達起而任曰士不能饒于皇
路戮力王宗為之不振刷風化以繼紹於人

功烈在焉為宗族鄉黨培孝弟仁義之風悅
德信而後之使後之覽形諸者有見於祖宗
德澤如是乎積之厚而流之長也嗚呼叔達
此業不大為教誨祖者勸我龍蛇余將有
勗焉十葉之一樹土存焉閩山半里許子孫
守丞常勿替以之散居四方者亦宜展念於
鄉無忘百世於丘之墓是足以慰多祖在天

之靈也己亥年庚子族歷七簪纓垂名升帛
有人功德之詳尚也賢士大夫自有嘉祥
達之志而樂為之宗誌者不肖何容贅言之
為序

順治戊戌子夏秋月

忠佑五十一之裔初維屏沐手抄書

續本宗譜記

進不肖無以續承先緒特於續譜一事

寤寐乂之茲幸有成矣呼子姪而示之

曰程姬姓也或云風姓顓帝之後黎主

火正爲祝融暨十九世孫伯符以周成

王七年進三異之表受封程國地在長

安北三十里於漢爲安陵古扶風也周
宣王中興休父征徐方平淮夷拜大司
馬賜爵爲伯附洛爲國河南上程聚是
也繼而官失其守後又稱司馬氏上程
之族復轉居關中故程氏著望安定大
司馬九世孫嬰存趙孤封忠節誠信侯

子伯先封廣平侯子孫世居廣平今洛
州也故程氏又望廣平代有名賢顯宦
光史冊照家乘世烈遠矣東晉大興二
年元譚公持節守新安有惠政民愛而
留之詔賜田宅於此國家焉謚忠祐公
爲新安程氏始祖故程氏更望新安歟

之黃墩其始居地也十四世靈洗侯景
之亂爲將軍以功封重安縣公謚忠壯
配享廟廷勅賜世忠廟在黃墩像貌如
生歷代加封至王爵祀典至今不哀忠
壯公七世大辨遷中山則河南二夫子
所由出也又七世珍公子洎泚清澧渾

洵渝沔湘澤當廣明之亂各謀徙散渝
公從兄都使澧去黃墩而捍寇於東密
巖寇平偕澧渾洵徙居以口麻山之麓
號四門程後公愛閔川山水之勝遂定
居焉置田莊課農租積萬以十計人稱
程十萬公其所居地號廣平街一市皆

程姓吾族之祖自十萬公而始公後分
徙者有黃亭富溪新建樂平鴉林固始
廬州鄱陽諸派六傳而及於泰是爲宋
著作公以居近驛道構別業讀書其處
名學堂關子姓流傳有汪唐關之號又
曰汪潼關實權輿於此子孫繁富奇人

代生又六傳而宋學正明公四子曰經
曰綸曰統曰緒綸無後今之聚而居者
皆經統緒之後統後蕃衍盛多而緒房
尤昌大武節孝義代有殊猷吾支則本
於經經後五傳而傳而真子子孫孫有
九齊十八顯之目皆一時異人爲他程

所未有而吾支則本於真真有五齊齊善有三顯顯大吾高祖王父也吾以三歲喪妣通喪後隨王父至虞山曰繼母始出虞族就其顧育爾嘗奉王父及考命曰人家要不斷讀書種須是尊祖敬宗即富貴必歸故鄉蓋恐吾輩久而忘

及故其提命諄諄如此今昆弟親戚皆在虞矣虞城東南隅吾族聚廬而處不啻百計虞之人久而忘其爲新安也且新安諸程族類繁多錯處於虞與吾族往來無間虞之人久而忘其爲閩川也漸久則漸忘水原木本之意或不深考

舊鬼得無餒乎吾每見時俗之弊單寒
寒賤莫知有譜父子兄弟各不相顧借
耰鋤而德色取箕帚而評語一室之內
噉訟囂然迨以異言離析則骨肉邂逅
手不爲舉等於路人至於豐羨之家送
送繫籍先代顯名依附當時豪貴宗門

峻閼良田沃土以張皇其家殼而高曾
一體之遺則置饑飽於弗問金題玉躐
錦暉繡褫以珍飾其家牒而簞食豆羹
之細則翦已族爲仇讐嗟夫天使本支
不妄傳會於梁公正倫的瓜終難牽合
乎南杜若閔生冒子騫之胃一時掩口

崇禎拜沔陽之墓千古貽譏是又安取
於譜哉吾於是益有懼也兕輩雖生於
虞先世譜牒源流里居次第班班可考
故園喬木森然廟墓烝嘗不改其亦克
守家訓毋忘祖功宗德之所由來庶幾
親其親長其長孝弟之意不至於盡失

豈唯在虞爲惇族將家鄉之歲時伏臘
嫁娶喪葬其情自足以相通雖未能致
取富貴以揚耀祖宗然愈於衣繡夜行
者多矣尚其勗哉敢筆諸編首以告吾
族之流寓他鄉者

順治十五年著雍闍茂之中元

十萬公二十五世孫以進拜記

於虞山之就梅軒



叙言

從兄叔達豪士也綺歲業制舉聲名藉甚賈其餘勇
以為古文詞咄嗟立就筆掃千人且其風流之所激
賞常在平原河朔之間以故高情叫嘯逸興淋漓即
青蓮斗酒百篇長史狂來草聖茂以加焉然敦睦之
意出之性生譚及水源木本斷斷不能休蓋欲舉十
萬公譜系起而修明之非一日矣第以八股鉛槧有
志未遑丙申仲秋始遺書族黨曰五世以上子孫婚

靖散居四方當茲兵燹之餘不復亟為釐訂何以昭
茲來許國以墓園之事委及於余余愧質闇力綿不
勝其任會族之兄弟孟龍翔南聚族而謀同心拮据
或陟在巘或降在原近不離乎里中遠不遺夫境外
追尋其荒廢之所由攷證其侵漁之何自披荆榛而
冒草萊定溝塗而正疆界實之以魚鱗之冊繫之以
弓口之圖兩歷寒暑始克裒集郵報叔兄未幾而兄
以剗剗之工告竣于時族之知者交口而賢之不知

者或為覆醢之謂兄則曰士固有志寧問人之知與
不知庚子秋擔登過吳門時兄為叔常姊家塾祭酒
譜板亦藏塾內余見夫公費莫支無異蒸沙畫餅先
之仁軒君信諸弟洵稱領袖而始終周全竭力靡倦
唯常叔一人尤莫可及虞仲翔曰天下有一人知已
可以不恨常叔庶其知兄者而兄亦可快然矣矧茲
卷帙犁然較諸屏山公宗譜南樓公會譜既足步武
先猷而明備尤出其右百世之下聞者莫不興起今

又何必家喻而戶曉哉兄曰否非是之謂也墓于一
席土七百有餘年富溪盱江各依其始遷之祖不復
一展封丘唯吾閩川世守烝嘗有能敷揚先烈鼎建
專祠或亦在天之靈所藉以深慰焉爾余敬誌其言
并諸簡端以俟夫有志者謹叙

順治庚子九月哉生明

十萬公二十五世裔孫模拜手謹書於吳門之

寶華齋



十萬公本支譜序

家乘相沿百三十年於茲矣叔氏愍將來之多惑奮焉修之命
余追隨左右屬筆而書余曷敢謝不敏余維統宗舊譜自唐東
密將序次於汗馬之餘整飭於播遷之後繼以宋都官之釐正
嘉惠浚昆故子姓雖各據居里為分支而源本咸歸於一千百
世而下實有攸賴吾閩川譜始作於宋學正府君再作於元宣
使府君明草函府君迨夫屏山府君梅塘府君復舉而修明之
又與建昌富溪會睦族之誼未有盛於斯者然在昔則易在今
則難昔者聚廬而處家戶殷饒故一唱而群和不勞而事成今
也流寓他鄉什久而九間有一二顧志松楸依守田宅志當兵

燹之餘莫為協助至謀之於四方又道途契濶嗣音罕達叔氏
殫三年之心力靡地不詳靡失不復叔氏之德業有不可久可
大者哉嘗聞叔氏之言曰廣其阡陌不若展先人之墳墓益其
宮室不若修故鄉之祠宇聚荆揚之寶不若敬桑梓以無忘所
生購二酉之藏不若珍譜牒以尊其所自今於是編之成則又
示余曰河流萬派匪同行潦之觀喬木千年非作朝榮之比如
有念乎先疇何必須夫衣錦聽斯言也敦本之義良可思矣敬
述之簡端以告同志云

順治十六年己亥閏三月既望

裔孫繼善拜手謹書於廬山之巽齋閣



閩川十萬程氏本宗譜卷一

裔孫以進重編

夢模 同編
繼善 較編
維屏 泰較
士旂 夢覺
應允 重梓
延浩 士聖 同梓
文重 翰督梓

舊序

程氏世譜序

洵不幸逢時多故出入兵甲之間不知義方永懷先人餘澤及洵之身民

泯如此每每念及未常不枕戈雪涕思見四海乂安何太平之不易得死亡冉冉之相迫也已矣行年七十位不過巖將兵不能制鄰封控於從橫之諸侯因之以攘標之殘寇長安何在指日下以悼心劍嶺未通望棧閣而飲血有志不遂撫楮何言重念先世舊塋鞠爲荆棘故相東閣反成營場平時鄰里鄉黨之人半是梟狐魍魎之物死者郊原暴骸生者巖穴藏身屋漏田蕪兄鹿已遊於町疇軍輸兵餉驅民未免於租庸無時無兵無日無火顧奔走之不暇豈簡編之或披由是譜牒舊書幾于煨燼旣無路以報國復何意以辱先聊因戰伐之餘漫緝世次之序自洵而上止忠壯公凡十五世世居黃墩乾符五年歲在戊戌端午日黃巢別部入黃墩洵之族人逃難解散賊衆遂營本宅攻劫川谷蕩滌殆盡至中和初黃巢收所部犯闕於時清蹕無聲鸞旗失色行幸萬里自同天寶之遊有棄九重更甚貞元之僭洵與兄澧思世故之方殷迺其謀存活之計其後大盜移

國方鎮勤王甫及一年李克用朱溫議復長安所在州縣戶口咸耗其曾經巢賊過者則又甚焉自從賊後山落老稚稍歸鄉社兄澧遂謀於衆曰黃巢雖死蠶氣未除天未悔禍饑饉薦臻以澧度之不及息肩矣一旦如有犬吠之驚吾屬凋瘵之餘豈有噍類衆皆泣曰其將若之何澧曰盍相與依山阻險以自安無事則耕織以供伏臘倉卒則修戰具以相庇衛今鄉里雖殘破然諸君皆少年一心可圖也衆皆許諾於是其推澧爲巖將依東密山爲寨衆不過四百餘人未幾草賊畢鵬楊仙童李重霸孫端查臯陳儒范珠相繼而至衆或一二千多或四五萬光啓元年閏月三日陳儒自黎陽引兵薄東密自午及酉接戰再四不克而去是時隣近巖寨悉皆破亡獨澧率勵鄉里撫以蓋道故能得人之情雖甚疲病戰皆倍力澧旣擁衆以爲所在皆爲賊守俱非王人獨立以待無所欵附他郡賊兵皆相畏憚景福二年楊太尉行密遣將田頰畧地列郡皆下惟澧堅壁東密

顏遣人諭之曰太尉已受朝命都督東南行營今日顏來非是賊也濔再拜對曰所以自保者不欲以三百年太平民坐爲賊虜耳審如公言吾復何求田司空可得見乎顏因單騎入巖濔具軍容甚肅顏曰卿真將種耶濔曰司空見淮南太尉幸爲濔言但得太尉府中一親信人至相與共事錢氏在吳不足慮也會揚太尉有孫儒之孽未果從濔所請卽表陶僕射雅知歙州奏濔爲歙州副兵馬統帥檢校御史中丞依前東密巖將兼領馬金嶺防拓等事以衙內都押衙程陣爲副由是兵聲大振降下富昨驍山容山丁山等巖寨戈甲旗物於是始備久之濔以老乞解兵權仍請以巖兵付程陣俄而本府以衙內副指揮使程言來領後事濔歸府病卒月餘程言果與程陣相凌巖兵不輯陶僕射大懼蓋歙州連接浙境最倚東密以爲藩障故也府諮議陶映言於僕射曰程濔久帥東巖人情所歸今其弟淘亦足謀略可更以東密授之於是表淘爲東密巖將淘旣至衆皆

相悅淘無他長所守者先兄規略而已每閱兵帳及戶口版籍見流亡者倍蓰無算所存不滿二百戶每歲又納租稅及時時糗糧芻草之積軍需調發科率百出因竊歎曰後人逢時無虞體胖心佚豈識向上辛苦如是耶更有不懷厭滿非上念亂之者誠何人哉故因輯家譜之次聊書以示子孫云

大唐歙州都知兵馬使東密巖將兼領馬金嶺防拓等事銀青光祿大夫檢校國子祭酒兼侍御史上柱國裔孫淘序

程氏世譜序

世系之源其來尚矣先王之時氏族之判昭穆之等爲之譜牒以次其世故其本支之藩衍服屬之親疎人皆知之而敦睦之風家無殊俗矣非特如此也孝子慈孫於是乎觀其世德纂其世志世濟其美而規掩其惡是故微子之命以踐厥猷爲能洪其祖烈蔡仲之命以率德改行爲能蓋其

前愆於斯時也所以不置而永錫爾類者何哉維其有之是以似之也周德不振姓氏不命於土人自爲族然而王者之澤未熄行葦之俗猶存故穆王之於君牙宣王之於召虎平王之於晉文其命於冊書列於風雅以續我爲美聿修爲孝至若常武之詩命皇父以整師乃推本其上世曰南仲太祖蓋先王重宗之意於是乎在晉之大夫有問其世於魯行人曰在陶唐爲豢龍在夏商爲豕韋然則春秋之際猶有未能忘其本者也秦漢以來魏氏用閥閱取士是時百家譜牒粲然可觀唐初世系之法尚未變也許敬宗等希艷后之旨始有勳牒之譏凌夷相因遂以成空薄俗澆風以是爲末劉子玄作史通世稱該博其以家史名者有四焉曰楊雄家牒曰殷敬世傳曰孫氏譜記曰陸宗系曆如此而已矣于乎士大夫之所以遠於野人者非唯言語之有章衣服之有常從容都美然後以自表也蓋其本根有大於是者推吾之良心以事其親是也夫推其親親之心等而

上之至於尊祖傳曰士大夫則知尊祖矣且事親尊祖之心豈徒然哉蓋將上以等世德之隆替叙宗系之遠邇却視數千百年之上分姓受氏以來靡不究知然後於吾之良心有足以自慰者矣若夫野人則不然知而已矣又其甚者毋懷不父懷其猶嬰犢乎由是言之天下之所以持其身者莫此爲先後世之人曾不知省忽而無述雖名德之重褒然爲時稱仰者或不暇知也是以論其族系則公叔並列議其婚媾則崔盧無辨昔者劔子能知其祖所自以取重於聖人籍談不知其先而見誦於當世蓋謂此也洪惟我姓上承黃帝高陽之德下繼火正司馬之功鄭語有之史伯謂桓公曰天之所啟十世不替黎爲高辛氏火正以淳耀惇大天明地德光昭四海故命之曰祝融其功大矣成天地之大功者其子孫未嘗不彰昆吾爲夏伯矣豕韋爲商伯矣以此攷之休父作武於周宣肅侯贊書於魏武豫章同德於宗高忠壯配享於陳祖佐命之蹟抑其世烈也夫至

若誠信侯感驅馳之義結死生之契隕首晦明趙宗以基雖昊天之所授
踐寶而撫運者必將保艾其後以造無疆之服曆彼屠岸賈何足以贊之
如其隆替匪繇人謀則侯亦何力之有然竊比夫斷鼉立極而取日於咸
池者豈不懋哉豈不懋哉宜夫元豐之詔著之祀典加以顯爵服寵於幽
窳光施於後人也南宗疎遠久不與中州接維陽宗國風馬相遙而黃墩
族人日失其序譜牒蕪落曾無以爲子孫藉口之實亦遑議續戎之事也
祁不敏蓋有志於此而未之敢爲束楮濡毫日以望於宗盟不爲不久也
然且未有爲之唱者豈我前烈遂將隕墜於地歟何其寂寞而無紹也用
是不自揆而載其事於心比者靈鑑其衷遺譜荐出綴闕拾遺證以史傳
上繫公孫之帝下訖於昭代隨其所聞靡迂靡略其所不知蓋闕如也書
凡三十卷作世譜序傳

紹聖二年 月 日尚書都官員外郎裔孫祁謹序

序富溪程氏遷徙世次

程氏得姓凡十閱世而生忠翼疆濟公由忠翼而來三十二世而爲新安
太守越自太守始居新安更十有三世而生儀同又十有三世而生都使
都使當巢寇旣平之後聚族而謀曰往者盜据吾屋以駐兵今大盜雖殄
而四方寇攘方自是始盍謀所以避地乎然徙必依山也時平則安意稽
桑緩急則憑恃險阻此亡窮之計也族之父兄子弟謹以爲然於是相率
去黃墩由草市而上各擇勝地散居之曰臨溪曰汭川曰富溪曰會里曰
遐富曰新屯曰曾合而汭川富溪與夫鄱陽諸族則又由臨溪而後始散
也故臨溪古墓山猶有祖塋在焉自是世故相仍盜奪盜起而吾族耕鑿
山中晏然亡警非都使觀時識變之明乎用之富溪族也王大父學王父
達父卓世以詩書相授不求仕進用之尤力學中歲弗售乃宗老氏移心
吐納且用力濟施性質直姿清介不昵昵取容亦不皦皦自暴非其道則

一介不取諸人人以義動則捐所有畀之亦無難色非勇於義者耶是皆可書者

嘉定十七年 月 日吏部侍郎兼同修國史實錄院同修撰兼權中書舍人中奉大夫汝川宗人琬書

叙宣議公建昌派世系

公諱德秀字景華程氏之先出自重黎周日休父佐宣王中興賜伯爵曰嬰保趙孤春秋時封忠誠君元譚晉元帝時持節守新安有德於民賜田上於歙因家焉故世爲黃墩人十四世忠壯公靈洗自布衣起義兵拒侯景仕陳封重安公寶慶中錫世忠廟于墓旁忠壯公後蕃衍盛大散處徽饒池宣衢處間公先世居汝川號四門程今里社祈報猶襲其號遷閩川號十萬程有十萬公墓在焉曾大父諱仁勝大父諱興本名宥興蚤歲志四方擔簦入郢樂其風土曰昔我忠壯公儀同公常鎮郢今非吾遠繩祖

武之地乎遂卜居京山邑城父諱子明築室郭外三十里西高梁院而疆場日警公出險就夷間關萬狀乃夷猶訴江而西訪碩師洪撫間汲汲以義方爲第一事顧瞻吳城爲洪樂郊乃謀卜築之子孫日以茂乙卯季子飛卿薦辛酉仲子應雷亦薦壬戌飛卿擢第奉常調通判靜海尉公以子恩授承務郎制劄權壽春府軍事判官進封宣議郎孫楨之

即文憲公 錚夫也 程

之爲氏本深末茂凡居江淞者孰不祖之黃墩雖顯晦不齊譬之鉅木千葩萬蕊各有播芳之時文簡公大昌副樞公卓顯於休寧之會里光錄公邁莊節公叔達顯于黟之南山丞相公元鳳侍郎公元嶽顯于歙之槐塘右魁南雄守鳴鳳顯於祁門之善和而先季父少師公琬亦顯於休寧之汝口其散處外郡而顯者如忠愍公振給事公師孟侍制公俱而下僕指莫盡獨公一派久而未顯今有子通籍諸孫且多力學此派其亦將顯與咸淳十年六月 日汝川宗人若庸撰

閔口程氏族譜序

程之先出自顓帝伯符仕周成王進三異之瑞封程國子孫因以爲氏四世生伯休父宣王時征徐方平淮夷拜大司馬詩曰王謂尹氏命程伯休父左右陳行戒我師旅是也春秋時有嬰者仕晉存趙孤忠貫日月封誠信侯世爲廣平人有日子華者傾蓋聖門仕漢者曰不識拜車騎大將軍仕魏者曰元昱封安鄉侯仕晉者曰延封東阿侯子牧黃門侍郎二子次曰元譚爲鎮東將軍持節爲新安太守有德於民詔賜田宅於歙縣黃墩遂家焉是爲吾州程氏始祖仕宋曰元政拜建武大將軍子天祚爲龍驤將軍仕齊者曰道樂拜都官尚書三傳生靈洗拜開府儀同三司謚忠壯廟祀黃墩子文季仕徐州都督十三世生珍珍生八子洎沚清雲渾洵洵汾因巢賊擾攘逃難解散各徙他處洵自黃墩遷漢口麻山由麻山遷閔口貲財鉅萬號十萬公生三子志蠶榮蠶生四子長勝高其後子孫有遷

西郢者次曰勝新三曰勝先乃吾本支也七世曰泰號八公厭近驛道遷汪唐于萬緒山而居焉去閔口半里許又七世而生先君淳嘉任德清縣主簿有政聲先君在官時常謂明曰吾宗代不乏人不有譜牒何從考識尊祖宗隆孝愛於是乎在故家右族不可不修明時習舉未遑茲者獲教郡庠講論之暇思先君之言未常不慨嘆忘寐吾程自伯符受姓至安鄉侯而顯益著元譚爲新安太守至忠壯公而聲益鴻豈無所自哉本大末茂源深流長信不誣也自珍公而下支派復廣隨地分房各自爲譜莫能相通或博而反遺或訛而弗正遂使後世無所考據是非錯繆議論紛云良可歎哉本譜閔口房自淪公始遷至今十三世家世見聞不容不詳據舊譜而加續焉俾後之子孫知所自出而無忘乎水木本源之義且以副先君之囑云

嘉定甲申春二月既望裔孫歙州學正明撰

富溪程氏族譜序

姓氏之說不知自何而始及見於經則曰別生分類曰錫土姓傳以爲天子建國因生以賜姓有以土爲氏以封爲氏以名爲氏以土爲氏炎帝之姜黃帝之姬以封爲氏文王封子時叔於沈其後爲沈氏晉穆公封少子成師於韓其後爲韓氏以名爲氏者陳伯袁之後爲袁氏衛公子惠孫之後爲孫氏又或以官爲氏以物爲氏不可以一二數也蓋姓者統其祖考之所自出氏者別其子孫之所自分如水之有源木之有本雖歷數千百世之不紊者以其有考也嗚呼譜牒之不究也久矣王之氏一而有元城宜春之殊劉之氏一而有陶唐奉春之異非不欲知其所自出蓋世遠蔓延莫得而詳矣余假守新安實爲未子闕里意其必有漸磨之俗獨厚於他邦者一日有以程氏族譜來見求爲序其編首余閱其譜出自有熊氏之後至周成王時有若伯符者受封廣平郡得國於程自受姓以迄於今

凡二千八百八十餘載其中雖顯晦不齊得其志以行其道者亦時得一二焉其十四世嬰者受知於趙朔遂與公孫杵臼謀存趙氏之孤以全忠節及晉元帝南渡其四十六世名元譚者爲新安太守有仁政及民及瓜而代相與遮道留之遂詔賜宅於郡之河西以居焉五十九世名靈洗者居於黃墩仕梁陳間以征伐樹勳謚曰忠壯至今廟祀其地此其最顯者也至後唐乾符間七十三世名渝者避黃巢之亂遂隱雲溪七十六世名炳者始卜築于休寧富溪以居之今十三世名常獨有志於繼述於所居之里築室以奉先世之祀且次其先後遠近而爲譜凡宗黨之昧其所自者咸授焉昔老泉譜蘇氏之族而曰觀吾之譜者孝悌之心可以油然而生矣及爲族譜亭記貶其俗之不義者至以大盜斥之今觀常之爲是譜也視昔人何異詩曰豈無他人不如我同姓異日將見自身而家而國一爲仁厚之俗亦守土者之所樂聞也於是乎書

至正戊子重陽後三日朝散大夫徽州路總管兼管內勸農事護都答兒
序

閔川程氏續編宗譜序

夫譜所以別姓氏紀源流昭世次也姓氏之不別源流之不考而世次之
不知則中國而夷狄矣人類而禽獸矣安在其爲衣冠之族禮義之俗也
哉然則我閔川程氏之宗譜夫安得不修乎繫我程氏系出顓頊國封伯
符初望安定而後望廣平從伯先之封侯也由處廣平而徙處新安昉元
譚之作守也至若我閔川之族則又自渝公始焉渝公實爲元譚二十八
世孫乃梁將軍忠壯公喬也世居歙黃墩以黃巢兵亂遷漢口麻山再遷
於今地而日以富人因以十萬公目焉嗣是或虎變而仕或龍德而隱元
宗華國代有聞人若式公之爲國子司業士達公之拜承節郎邦傑公之
由討方臘而仕至武翼大夫邦彥公之以討賊死而贈保義將軍從善公

之爲德清主簿明公之爲本州學正德公之爲河池知縣而夫婦死節龍
公之爲江淞行省宣使愉公之由執項奴兒而署武節將軍此皆出則有
猷而有爲者也乃若宥興公之下築郢州京山之西高渠而薦辟不起永
明公之發粟活衆而詔旌其門仲朋公之不赴臨安府教授之薦緒公之
痛叔弟死國難而誓不仕元此則又皆處則有學而有守者焉第以世遠
則枝蕃非譜無以遡之古族碩則人夥非譜無以核之今况又有富溪淮
西蘄州建昌光州六安之遷徙殊方與夫行誼風節出贅入繼男家女室
生歿之歲月不一非譜無以統其異而歸之同乃今隆尊祖敬宗之心乘
入孝出弟之暇前乎渝公者據舊譜以載其名後乎渝公者出已見以詳
其實各錄其生平之出處顯晦德行功業爲小傳以附之後高卑差別之
靡遺次第後先之不紊行分等列日纂月修藁脫真贍裝演成帙庶後之
人一展卷之間某在斯某在斯皆瞭然在目而無事乎老父之詢鄉鄰之

訪矣故曰夫譜所以別姓氏紀源流昭世次也三者備矣其斯以爲中國
乎其斯以爲人類乎其斯以爲衣冠之族禮義之俗乎其尊敬祖宗之
心可少慰其萬一矣

永樂庚寅冬十月吉四十四世孫神童謹叙

閔川程氏續譜序

閔川姻友程君拱南奉其所編族譜過松洲書院請爲填諱弁叙其首余
於程有朱陳之好且復夾溪而居知其世澤聞望久矣按譜程之先出顯
頊之後自受姓以來世多名賢至東晉有諱元譚者守新安有惠政民愛
而留之賜第郡之黃墩因家焉十四世孫靈洗起義兵拒侯景有功贈鎮
西將軍開府儀同三司謚忠壯廟祀黃墩宋號其廟曰世忠忠壯長子文
季爲將死節于周謚威悼傳十有二世曰珍者生八子第七子曰渝字季
明當黃巢既誅餘黨尚熾仝兄澧糾義旅保固州里賊平迺與

居汧口麻山宅建四門號四門程氏後渝定居閔川富甲一邑號十萬公
嗣胤蕃衍分徙遠近若今富溪建昌蘄州光州之派皆其後也歷七世曰
式仕宋爲國子司業子永明嘗出粟賑饑活萬餘人詔旌其門土人祀之
曰仕達授承節郎與陳東上書乞斬六賊請親征罷和議不報遂歸隱曰
邦傑邦彥仲和當方臘作亂同起兵討禦邦彥仲和俱戰沒贈保義將軍
邦傑官至武翼大夫曰仲遠當張琪寇郡邑亦起兵拒之卒于陣曰明登
第授本州學正曰德官河池尹元兵入邑度不能支與配查氏同縊於官
舍曰經貢上庠曰緒國學上舍宋亡俱不仕元曰順積官右武大夫隨駕
入海而卒其配朱氏聞計自沈於河鄉人義而祀之曰安當紅巾賊入擄
里族六十餘人出資買办贖還曰愉元季盜起以兵保鄣授萬戶曰懌性
孝友親卒居喪賊至其弟曰福曰祿請避不許俱爲賊繫欲兵之三人爭
相代死賊感動皆釋之曰抗寶代伯父從戎曰士通徵避不就此皆拱南

之先也厥祖靜庵翁尤鄉善士名重遐邇常出粟千石助有司賑饑考曰
景素有父風當饒賊王浩八入境率衆捍禦以寧鄉族江右寧藩構逆餘
孽散出又拒之境上嗟乎若程氏世以忠孝節義成於家豈他族所能企
及哉蓋由元譚忠壯有大功德於民則所以基其先者本源深固而其子
孫後人又能克念天顯以不忘祖功宗德之所由來世嗣而修之凡當世
之變故與州里之患必有能出死力爲國家倡大義以奠安其境土是皆
忠義之結於心而不失其世德者也然非拱南能知所重則亦安能尋源
究本使前人聲光不致於沈晦得以譜之世系而詳之記載後之子孫由
是益加歆慕於以隆愛敬於親親俾彝倫明宗族睦早不抗尊而富不遺
貧風淳而俗厚仁昭而義立孰非拱南之力哉其視世之唯以積金爲羸
餘而愚其子孫者固相逕庭矣且今程氏以文學相雄者彬彬而起繼今
必有接武青雲建功樹業而使十萬公之緒重有聞於天下則茲譜爲益

光矣拱南博學多聞尤善聲律所納交皆一時縉紳名流故能知所務如
此余雖弗藻於文然與拱南情孚而義洽不可無一言以重其請遂書之
以爲程氏後人告云

嘉靖庚寅孟冬十月既望賜進士出身亞中大夫兩浙都運使前知河南
府事眷生吳瓚撰

盱江程氏譜序

世之序譜者率以源深流長本固末茂爲言所謂源深本固者非謂侈貴
富擅功利之謂也蓋其詩書禮樂之懿忠厚仁義之澤養之克積之厚如
水之江河木之鄧林發越盛大沛然喬然莫之能禦求之近世能幾人哉
源誠深也本誠固也後嗣子孫力能浚導培植使流必長末必茂尤不多
見余竊於此致憾焉今觀盱江程氏世譜信斯言之有徵矣程姬姓或曰
風姓重黎之後自受氏以來代有顯宦遠祖曰元譚仕晉廣平太守持節

新安李號忠佑公子孫以官爲家是爲南宗之始祖也傳十有三世曰靈
洗仕陳有佐命澤民之功卒謚忠壯廟祀鄉郡子孫散處南北新安之系
三徙及郢又再徙至建昌積善樹德家聲益振至楚國文憲公而大顯文
憲字鉅夫元之初年從季父飛卿入覲遂以正學宏才兼職兩制荐登政
府臺諫敷歷中外垂四十年力以綱維正論扶植士類爲已任國家倚信
如柱石著龜斯文尊仰如泰山北斗雪樓之號烜赫乎宇宙由此觀之斯
江之程自忠佑忠壯肇跡於前繼以文憲丕顯於後詩書禮樂之懿忠厚
仁義之澤所以垂休衍裕養克而積厚茲其爲源深本固者非歟淮居京
師頗久慎于交際文憲諸孫僅識其二琛任長史官舍聯比接其言論恂
恂信實挹其光儀蒼然老成未幾南雲受薦任中書舍人供事內閣旦夕
聚處南雲儀宇俊逸襟度樂易而詳雅與人交懇懇有誠敏於職業娓娓
忘倦因知名家世族子孫多賢其能浚源培本者固有其人何患流之不

長末之不茂也哉淮以宿恙久卧丘園次子采叨厠內廷筆札之末承南
雲指教良多今年冬拜命歸省南雲寓書以增修譜序見屬重惟館閣元
老言足示信南雲未之請叩顧乃猥及病夫意必追念夙契冀得片言以
申盟好義難固辭爰舉世之常談微諸耳目兄聞序以復之南雲今陞太
常少卿兼侍書日操觚牘服勤經筵寵眷隆厚進未易量楚國晉錫之堂
益有光也若夫敦睦之道在於躬行實踐著名斯譜交相致勉焉

祭祿大夫少保戶部尚書兼武英殿大學士知制誥國史總裁永嘉黃淮
書

叙閔軒會譜

余少時聞諸先人云吾祖出徽梁將軍忠壯公後及讀譜牒與先世遺文
知吾祖本閔川十萬公派又知忠壯公廟曰世忠十萬公墓在閔口恨不
獲瞻几筵登封丘而一稽首也叨祿北地十年來松與徽雖距千里隸

屬同也今年仲夏因公事獲至焉乃得接我伯韶伯韶曰吾族閔川派也
十萬公裔也閔川之譜吾同兄拱南方續也君來其亟成之乎余又知閔
川之仰我建昌猶建昌之仰閔川也而少有間哉余既獲拜忠壯公廟而
十萬公封丘尚阻焉比孟冬拱南伯韶過訪於松捧諸譜而質之曰此舊
譜也此統宗世譜也此閔川新譜也某正某誤某同某異吾安從乎其將
閔川之舊譜乎余又知譜之難作也世守桑梓者尚未免豕亥之訛而况
遷徙散逸者乎余亦恨生之晚不敢是非於其間也因與拱南伯韶約曰
譜史例也不可苟也疑以傳疑信以傳信法也從正黜誤反異合同理也
遠者宜畧近者宜詳勢也信者實書疑者互錄備攷也有懲戒焉一字攸
寓有表彰焉千古弗磨是以譜不可苟也雖然譜以合族族以統宗有籍
休衍慶之道焉故繼之程忠壯公其宗也閔川之程十萬公其宗也凡繼
之程代有顯者皆忠壯公之慶而十萬公之佐兄起義兵以拒虜寇猶忠
壯公也然則閔川之族仁義詩書之澤斬斬不廢衍十萬公之慶以恢廓
似續者不在我拱南伯韶矣乎拱南有程氏世寶集又善教子伯韶則積
學已成余拭目望之以光吾宗且會成譜牒於異日以觀閔川之勝亦以
釋封丘未登之恨知未晚也於其別也書此以訂之

嘉靖庚寅歲長至日盱江燦書

續譜後序

吾族居閔川由唐至今六百有餘年歷世二十有二其遷徙分派爲十有
五而通問者三富溪建昌蘄州也宗譜始編於宋印墩先生續於元宣使
樂齋府君而國朝徵士府君繼之成化戊子富溪宗老梅友翁復會本宗
合修爲一珪按本宗諸舊譜皆始渝公遷閔川卽十萬公與雲淘嫡兄弟
也卒葬閔川學士篁墩先生編統宗世譜謂渝公卽涼公爲雲淘伯叔兄
弟又以渝公六世孫緒爲雲公十一世孫號十萬公居閔川以示先祖靜

庵府君府君忤其垂舛故不與會於是乃命珪輩傳求諸族宋元舊譜及
宜振慶源諸錄參攷之則凡珍公諸子中皆有渝公號十萬公遷閔川而
渝公非涼明矣篁墩之譜實爲可疑珪恐子孫久遠從訛故續是編以昭
來者其歷世丘墓爲圖山川宮室爲志以附諸後其制誥詩文誌銘別爲
世寶集輔譜以傳譜旣成乃請表叔兩湖都運使吳公瓚爲之填諱弁序
歲庚寅夏松郡傳盱江宗人南樓公以公事來徽訪求吾族時從弟鳴球
輩以歲考邂逅郡城獲論世系公曰我實派出閔川十萬公裔也水木本
源拳拳在念雖爲一族今居兩省宜會宗譜以叙昭穆未幾公以事遽返
乃約松會久未克赴秋七月公復以書來促珪乃偕鳴球攜諸譜以往公
一見懽甚留考閱盱二譜以定世次而弁序之夫物本天人本祖通義也
本祖而不知祖之所出身乎人知祖之所出而不以譜身乎稽此宗譜之
修所以承先人而宋而元而今之諸舊譜之弓裘要亦賴以不墜也奕世

而後使復有如珪者出則疑今信古不亦有所憑藉而繼述也哉

嘉靖庚寅一陽月至日裔孫珪書于屏山書院之修譜亭

十萬程氏會譜序

程氏得姓遠矣新安有程氏則自晉太守元譚始其大也則自陳將軍靈
洗始將軍死謚忠壯廟食黃墩趙宋以其出忠節誠信侯嬰之後也錫額
世忠子孫稱世忠程氏其著於閔川口則自唐季東密巖將澧之弟渝始
渝初佐兄起義旅捍鄉邑功成而去隱於麻山之麓晚定居閔川口以其
業十其萬也稱十萬程氏六傳而有大家房七昌熾矣厥後轉徙不一黃葉
從風莫識其本今所知休寧之富溪江右之盱江合閔川口三派而已然
三派聞於代者世不乏人其仕而最顯者雪樓于元二太常于國朝隱而
最賢者棄官講道如從善明經著述如明毋沒待父寢以終身如思禮舉
文武兩科宋亡誓不仕元如曠聞敬而力行如恕善學聖賢以潔身于胡

元如存以孝廉舉如衮以春秋名世如道隆卽其他鮮聞只如茲三派人
物亦何可易得十萬之程固無多讓于其大宗矣程氏故多賢譜不時修
訂都官初學士敏政二公尤備然學士已不能無議於都官今亦何能無
間於學士大抵務博者擇或弗精務敏者語或弗詳勢固然也學士譜以
渝卽涼爲濫從弟此一誤也巽爲渝五世孫乃指爲濫十世孫此二誤也
又謂巽生緒緒居閔川口號十萬公此三誤也凡此三誤所謂鼓九州之
鐵鑄此大錯矣于是今盱江派鎮遠守燦官松江時乘使輅來新安會閔
川之彥曰珪曰鳴球喟然歎曰吾祖以來去桑梓者若干世矣微此行吾
幾昧吾本乎閱數歲乃再約富溪派曰曠相與稽遺文勘積舛作十萬程
氏會譜太守以上遼哉邈矣宜畧圖之編首太守以下定世次紀事畧亦
止詳本支而已十萬公以下乃始加詳嗟夫斯亦足徵矣乎其諸事狀之
詳碑銘之著與夫制誥詞翰之類盱江故有家乘閔川故有世寶集富溪

故有寶藏集又有學士貽範集曠之貽範集補可無贅也譜成鎮遠之兄
炳偕其從子上舍一源不遠千里拉其宗閔川晚及鳴球曠來謁序予悲
其族渙而三幾誤其祖於他人而喜其萃而一能使水不失其源木不失
其根也鎮遠之功大矣哉而諸君子之戮力以底於成以示于後皆可書
云嗚呼休茲豈特知祖蘇老泉曰觀吾譜者孝弟之心油然而興矣沿十萬
而三派泝三派而十萬易曰同人於宗同哉休哉何吝之有是爲序
嘉靖己酉歲仲春望日賜進士中憲大夫雲南等處提刑按察司副使致
仕前刑科左給事中翰林院庶吉士婺源方塘汪思撰

十萬程氏會譜叙

我程氏世家歙之黃墩逮我十萬公當黃巢之亂乃從諸兄弟舉義去黃
墩依臨溪東密山爲寨以拒寇寇平隱麻山宅建四門號四門程晚定居
閔川口田連阡陌人稱爲十萬公號十萬程生三子八孫而傳者七房由

是遷徙靡常隆替不一今之可會者惟閔川富溪暨我建昌三派耳然建昌之於閔川富溪郡之所隸異省也地之相去千里也不能時省桑梓而掃松楸也不能世通譚牒而叙昭穆也遂使汭川之修譜牒者臆更竊附以十萬公爲緒公故吾祖清軒太常公復書正之曰萬萬不侔也篁墩學士之修統宗裔也遂過聽而誤從之復以渝公爲涼公故吾族之祖父恒切置憾思欲會三派徵其舊刊其誤而重修之未遂也嘉靖庚寅吾弟南樓鄭掌教松江以事來徽獲會閔川宗彥曰伯韶繼獲會伯韶之兄拱南敦宗盟叙昭穆各出舊譜及文憲公行狀年譜神道碑參互考訂歎汭川之繆學士之誤刊而正之丁未再約富溪宗賢曰啟暎及拱南伯韶胥會於南京刑部之宦邸相與稽移文考舊譜勘積舛黜悞從正反異合同萃三派而爲一編作十萬程氏會譜十卷稿脫則膺鎮遠之擢而一麾出守矣爓惟譜非託諸梓則不足以信後而傳遠乃同弟烜姪一源抵閔川倡

三派而刻之閱月告完於戲族有三派萬指之繁而初則本於一人居有三族千里之遠而初則原於一室則聚處於里閉邂逅於萍水顧可不懼欣愛洽而視之若途人耶猶必以祖宗功德之是繩祖宗墳墓之是守交修厥德無忝所生斯區區會譜刻譜者之意也吾敢以爲吾族人告

嘉靖己酉清明建昌裔孫爓拜手書于閔川知樂園之如在堂

書十萬程氏會譜後

古十萬程氏會譜十卷權輿於宗尊太守公南樓鄭纂修於練江曠屏山珪而鳴球及浚亦不敢不竭其愚焉南垣爓立齋烜後山一源則又冒雪衝寒來自千里而贊葉從吏之尤可見其篤于尊祖睦族之義司費督刻則柳溪晚暨達馨暨錄暨渠也夫統宗會元萃渙爲同俾世遠地殊子孫檢閱則知某吾鼻祖也某吾祖也某吾親族也某吾族也孝弟之心有不油然而興者乎如是則倫理以明尊卑以別風俗以厚教化以行庶不致

視同氣如塗人而水木本原之思永昭感於子孫也此譜之修刻爲有功於百世也刻完謹疏編刻之由於簡末使後之觀者知所自勉云
嘉靖己酉三月朔休寧縣儒學生閔川裔孫鳴球伯韶拜手書於會譜亭

閔川十萬程氏本宗譜卷一

閔川十萬程氏本宗譜卷一

附錄

珍公八子辯

辯衆譜之訛謬別流派之異同非至明且公者不能也吾程自元譚公由廣平來爲新安太守爲吾州諸程始祖十三世生忠壯公靈洗又十三世生珍自此而下譜牒不一或云珍生八子或云九子或云十子互相是非良可歎也吾富溪之程實出珍公第七子渝世居黃墩因巢寇擾攘遷汉口麻山宅建四門號四門程後遷閔口貲財鉅萬號十萬程有十萬公墓在焉公之曾孫炳自閔口遷富溪來歷甚明近有等偏見陋聞者執前人遺逸不通之譜謂珍公諸子中無有所謂渝者違衆立竒是非錯謬豈敬宗收族之意哉今將各譜所載同異開具以俟識者一吾家舊譜十四世祖可思所續珍公八子洎沚清澗渾淘渝汾程常印本譜閔口譜商山譜

並同一河南宜振錄珍公八子濬沚清澗渾淪汾洵與臨溪譜十七都鳳
公派譜郡北舍川汾公派譜並同洎作濬渾在洵後餘與吾譜同一率口
譜咸淳七年程夢龍續陳太守用印鈐記珍公九子洎沚清澗洵渾淪相汾繫南譜
汾於澤下註早卒一溪邊村譜珍公九子洎沚清澗洵渾淪相汾繫南譜
同一有澤一無澤一有湘一無湘位次或前或後婺源三溪又有檢校御
史大夫程湘墓計之是有十子也正統間歛槐唐宗人程孟會通譜世忠
事實珍公八子洎沚渾澤澗湘洵汾無淪亦無清於澤下註早亡位次不
同又於譜後不會通下註云休寧富溪譜以珍公諸子中作淪傳派各譜
無此於繫南山譜以清爲祖亦然今以全項諸譜證之是見其無未見其
有者也澤已早亡存者七房耳元大德間方虛谷撰元譚公墓碑云八房
愈盛碩茂何也由此而推九子之說不爲無據且立石時吾富溪克紹主
簿公與有力焉載名碑後及寓郢程若庸舉膠樓記程德秀行狀云先世

居汧口號四門程遷閔口號十萬程有十萬公墓在焉曾大父諱仁勝大
父諱宥興卜居京山是爲郢人據其所存家世甚是明白十萬公墓見在
閔口墓干保簿形字一千六百四十六號土名九子墩十萬公塚係淪公
枝下子孫僉業標掛奕世相承與各譜所載彰彰不誣不知都官祈公之
譜何據而無載此學正閔口明公譜序所謂博而返遺者乎後之人以訛
承訛旣不能考正祗合依先儒註述例於珍公項下註云一有清一有淪
一無澤一無湘世遠難以考正以俟後人如此庶爲公論且免召關於祈
譜亦無戾也今槩以爲無而不能掩各譜之有徒以自信所謂未盡兩途
之詞遽判其曲直者何以異哉觀祈自序家君知婺源過黃墩得程氏家
譜一卷文字漫滅世次不明及海寧程立家藏世次僅足相補或傳程璇
家有善本遭回祿亡失由是稽考史傳定爲一譜東南族人隨輒取去離
拆卷帙遷附臆說其所定本率多異同往往標寫以爲祈所定前後相詭

理出厚誣云云 祈譜在當時已如此况以訛承訛乎且今所據者未必是
祈手筆而無所謂遷附者乎觀黟南程森譜序云都官編譜用心之勤作
者不可加切惟夫吾家是時居黟有年矣近質之猶有遺焉豈固詳彼而
畧此哉良由世道陵夷僖昭之世羣盜紛紜先達惟知求譜系於新安之
舊里而僑居他邦寄處鄰境俱去有顯者使其時黟之南有光祿休之會
里有文簡漢川之有端明魏唐之有右相善和之有右魁寧不大書特書
以侈氏族之光榮哉云云 於此則祈譜不能無遺憾矣今翰林編脩宗人
敏政公與文實論譜書云宗長譜皆以祈譜為正而祈譜無端明學士派
虛谷先生撰元譚公墓碑都使為忠壯公十三世孫居漢口又十世而端
明殿學士珙為嘉定名詞臣清為黟縣之祖見于森譜印本譜亦載焉今
以祈譜不載而遂遺之則信祈而黜森矣祈森皆宋人也祈譜何據而知
必可信森譜何據而知必可黜乎於此又以見今所據依者如此或云祈

譜考訂精密固然嘗讀左氏傳諸侯之國一百十五知其姓爵者四十有
六知姓不知爵者十有八不知姓爵者三十有九左氏史官也所述國史
也猶若是况後之人乎况譜牒乎後生小子聞見不博何敢據拾前人祖
宗源流不敢不辯噫冒人之祖以為己祖與是其祖而非之均非古人所
以修譜之意閱是者無為侏儒之觀俳優而賜正之則斯譜之幸也

十萬渝公裔孫富溪房質辯

十萬公辯

十萬公諱渝字季明忠壯公靈洗十四世孫珍公七子也兄弟八人一云
九人吾家後周朝譜及印本譜珍公八子洎沚清澧渾淘渝汾別本云九
子內有湘為婺源祖又有澤早亡是有十人也世遠承訛譜牒不一姑弗
論渝兄澧淘為東密巖將初同居黃墩後因巢賊擾攘各徙他處渝公自
黃墩遷漢口麻山號四門程後遷閔口號十萬程娶張氏生三子長曰志

子孫遷他郡次日蠶世居閔口其後有遷西郢者三曰榮孫炳遷富溪今
爲富溪派宋景定間寓郢程若庸先生舉膠樓記云族高祖素饒於財在
吾汭川號四門程遷閔口號十萬程遷西郢號京山大家先叔父端明在
翰苑時牒郢官其戶後作程德秀行狀云先世居汭川號四門程遷閔口
號十萬程有十萬公墓在焉大父宥興擔簦入郢是爲郢人云云二文中
皆稱十萬公自汭口遷閔口自閔口遷郢由此而推分明是渝公後無疑
也再考十萬公墓今在閔口保簿形字一千六百四十六號土名九子墩
十萬公塚塋地一十五步向係渝公子孫僉業及珍藏宋朝宗枝圖本與
各譜所載十萬公事相同豈容他議哉近見江西譜系以爲都使澧公後
與端明學士同派雖其有據歷考各譜澧之後並無遷閔口者且祈譜亦
無端明之派識者疑焉雪樓神道碑中亦不載澧公事故也勿齊傳識明
敏言必有考其載十萬公事亦不同記云族高祖遷郢行狀云先世居汭

口遷閔口大父宥興遷郢二說自相矛盾譜牒不修以訛傳訛安得起勿
齋共論之今因重續宗譜會考各譜與先生樓記德秀行狀保簿作十萬
公辯

大明成化四年戊子秋十萬渝公裔孫富溪房質辯

闢集辯序

我建昌程氏譜寔予高祖企雲公與渠民公採輯先世舊譜金石遺文而
成軼者國朝洪武丙戌冬郡邑奉禮部勘合取我九世祖雪樓公文集以
補書府之闕高祖珍求璧索片楮隻字無有遺落請於庠訓導李叔鈞吳
嗣宗校閱刻本送京是文集之編譜牒之修皆我高祖之力也余嘗閱家
藏譜牒先世遺文知我建昌派出休寧閔川十萬渝公爲特詳丁未夏我
南樓叔父陞鎮遠知府自刑曹歸余謂於晉錫堂得書堆中十萬公辯讀
之知汭人竊更我十萬渝公爲緒吁謬妄甚矣我宋元家譜有休寧閔川

始遷祖諱淪之位而漢人烏得以緒爲十萬公而冒之哉嘉靖甲辰仲夏
余過閔川拜我祖十萬淪公墓樹碑戕然則十萬諱淪非緒也若集中所
引都官虛谷南華諸說使若無淪則只六子豈得稱八房愈感碩茂當觀
全文作者之意以心逆之可也吾家乘所載舉膠樓記族高祖下無緒字
宣議即行狀稱先世者皆指淪公未嘗異也雪樓年譜行狀皆言異生緒
緒生仁勝皆以經學教授遠近咸尊師之則緒爲里塾師無十萬之富益
見不得號十萬公也舉膠樓記宣議即行狀文憲公年譜行狀及我渠民
公修譜並無灑七世孫曰緒號十萬公由漢口遷閔口再遷郢州之說况
宣議即行狀文憲公年譜行狀皆言宥興遷郢州尤見非緒益見漢人之
謬妄篋翁真蹟亦信筆其影響緒爲閔川人非遷也若以爲遷則亦爲售
私者之誤豈秉史筆者哉新安大族乃假名妄作非定宇手筆不可信也
吾惟信吾譜本閔川十萬淪公派並無漢口洛水之言昔我太常清軒公

附休寧尹寄閔川宗家書不報及得玩復書索譜系乃始知爲漢口冒領
矣十萬公世系圖尤見援我謬妄考篋翁統宗譜灑下著仲繁仲節南節
並無亮今以亮爲灑子吾今知漢人其有二本矣吾緒公本吳公子吳公
本大倫公子俱閔川人家譜甚詳奚可插入吳二朝議下真可恠也真可
恥也自冒其祖又援他人入冒其崇韜之流歟漢人十萬公二辯尤見鄙
陋謬妄不經之甚姑舉二端以闢之則其簧言賸語不攻自破矣何也家
藏舉膠樓記及程氏貽範集族高祖下無緒字可見增緒字者冒祖也冒
祖者真恥也高祖編雪樓文集及元朝刊板並無送梅亭序可見僞作僞
作者亦恥也觀此則斯辯之紛紛藉藉如蛙鳴犬吠于深山竹籬下徒自
鬧耳於吾祖奚損凡我十萬公子孫當逐闢之以申大義於斯世俾無惑
於邪說實孝子慈孫之大關要也予承高祖家學平日之所聞典籍之所
見亦稔知譜牒祖宗之源流者人亦烏得冒我祖以爲祖哉吾亦烏得以

他人祖而承其謬哉故書此以祛渠辯之妄云

嘉靖戊申歲孟冬月朔日

渝公二十一世孫建昌房太學生一源書

叙十萬程氏會譜後

十萬程氏會譜者譜我程十萬公三派子孫也何三派也休寧之閔川富溪江右之建昌也公諱渝字季明佐兄都使公澧守東密巖保捍鄉邑功成復居汊口麻山有別業在閔川口後居閔川以其貲財有十萬之盛也咸稱十萬公生三子曰志曰蠶曰榮榮生勝遠勝遠生炳炳遷富溪是為富溪始遷祖也蠶生勝高勝新勝先勝新勝先居閔口勝高生允盛允富允德允規允規生大倫大倫生吳吳生緒緒生仁勝仁勝生宥興宥興遷郢京山生子明子明生德秀德秀寓居新建縣之吳城生翔卿巖卿飛卿鉅官建昌因家焉是為建昌始祖也先時宋嘉定甲申閔川明公有譜元

至正戊子富溪常公有譜國朝洪武乙丑建昌世郢公有吁江續譜三派各自有譜矣會而為一則未也嘉靖庚寅燦職松江府教以學事至綴得接休寧邑庠生閔川鳴球謂其同出十萬公也越七年丁酉燦尹上元鳴球偕其兄珪以譜來會而稿始立燦轉刑曹又越十年丁未珪鳴球偕富溪房慶班曠渠留刑曹私署者浹旬而稿始定燦又外補鎮遠矣越二年己酉燦兄炳族姪一源至閔川富溪而譜始刻焉已未燦自陝西苑馬以疾告歸又二年辛酉閔川富溪使人問疾且曰公之脩會譜也百世之幸宜叙以詔諸後燦曰程氏譜序多矣揚先世勉後昆至矣蔑以加矣燦何言哉或曰會譜以十萬名十萬公閔川富溪建昌三派始祖也宗先達篁墩公統宗世譜以建昌房近祖緒為十萬公此何說也燦曰此由同事統宗譜者誤認舉膠樓記之旨而未詳夫德秀公之行狀也二文俱綴卷先生作也不可以併觀哉記曰族高祖素饒於財在吾汊口以潤屋之四其

門號四門程遷閔口以物物之什其萬號十萬遷西郢以壘關大其家號京山大家夫曰四門曰十萬曰京山大家困族高祖素饒於財之句而有此三遷之號爲族高祖一人言之也其實遷郢京山者宥興也宥興緒之孫也緒未至郢則京山大家非緒也緒非京山大家則四門十萬緒豈得專哉行狀曰先世居汭川號四門程今里社祈報猶襲其號遷閔口號十萬程有十萬公墓在焉曾大父諱仁勝大父諱宥興蚤歲志四方擔簦入郢樂其風土曰昔我忠壯公子儀同公文季常助父鎮郢茲非吾遠純祖武之地乎遂卜居京山邑城曰先世先之一字自三世至百世以上皆得言之曰有十萬公墓在焉曰有曰在是未遷之先有十萬公之墓有十萬公之號也豈有緒公未遷遷之未沒而先有其墓耶此記與行狀詳畧之異也燻以二文考之記作於理宗景定壬戌行狀作於度宗咸淳甲戌行狀後于記文十有二年安知其非改正耶是則行狀可據也且我洛山公

作文憲公年譜渠民公叙程氏譜系成曰吳生緒緒生仁勝皆以經學教授遠近咸師尊之未及十萬一字則緒非十萬公也明矣緒非十萬公則舊譜以爲渝公者信矣此十萬程氏會譜不可以不脩也或又曰事曠百世地隔千里子何據而信之燻曰古人云衆言淆亂當折諸聖聖人刪述六經以垂萬世曰述而不作信而好古朱子曰述傳舊也作創始也夫舊有所傳則據爲不妄據得其實則傳爲可信三派之譜舊矣據閔川譜信印墩公也據富溪譜信率齋公也據盱江譜信渠民公及宣議公行狀也豈敢創始巧立一議論而誣祖惑衆也哉譜前則各派舊譜叙文及世系者明有所受也譜後載十萬公墓圖與記文者悞而正失而復廢而興不可以不詳也故歷書之刻于會譜之後

嘉靖辛酉臘月四日陝西苑馬寺少卿前貴州鎮遠府知府九載考績誥封中憲大夫七十致仕建昌房裔孫燻謹撰

閩川十萬程氏本宗譜卷二

凡例

一忠佑公以上溯自顓帝凡五十世依次聯絡爲圖蓋謹據宗譜會譜
參互考訂以知其詳不敢妄有增飾也

一程氏始自廣平子孫分徙黃墩一派發源於忠佑公而後世繁衍變
遷仍遍天下謹按宗譜會譜所載列爲歷世遷居支派之圖使知流
之長者其源深也

一十萬公定居閩川著作公始建唐關自閩川舊業久廢而唐關名號
相沿不知其一而二二而一也謹稽舊譜并按今居列爲閩川支派
之圖以不忘唐關之所自出卽後世隨地分支亦不至如黃葉從風
莫識其本爾

一忠佑公二十八世而至十萬公又二十五世而至於今本支綿衍列

而爲圖尊其祖之所自也

一序次以五世爲則仍舊例也第每支各列一篇毋復仍前牽連不靳楮墨而觀者瞭然易辨其無傳失傳者從省

一十萬公後隨地分房各自爲譜舊惟與富溪建昌會而今益汗漫不可考止據宗譜修續其于小傳仍叅訂以會譜小異大同尤爲詳備以便後之讀者

一曰失傳不能知其傳之有無也曰無傳者可徵也曰無子曰止者可知也仍舊譜例也

一四十九世以下小傳據實直書不能文亦不敢文傳信也其雖善無徵者姑闕文焉

一小傳大書某諱傳文單行細書雖出臆見而展卷瞭然亦能令觀者自喜

一先世像貌譜牒所載類多奇偉目宜繪而爲圖各垂像贊惜乎前有作者見不出此今旣遠不可追謹據先容略圖一二使孝子慈孫展卷如生愈於羨壻之慕也

一先世宮室山川墳墓興廢有亡不可盡攷俱仍舊圖存備誌不敢忘後有創者自宜悉載以示續戎之美第以見聞未及尚多闕略竊有望於後之君子

裔孫以進拜手謹例



程氏統系圖

顓頊

窮蟬
稱伯益

敬唐
禹
老童

勾芒
啓
黎火正
吳回

伯符封程國

廩丁

仲壬

子臧

休父周大司馬

仲辛

黑肱

君讖

應

公龕

撫項王卿

思陵匡王司

德邈

嬰存趙孤封忠濟王

伯丕襲忠誠君子孫居安定為翊京兆咸陽扶風天水

伯先廣平侯

伯桃早卒

伯休封呈誠君子孫居會稽盱眙太原

叔舉子孫居廣平遼東

叔本子孫與孔

會卿 鄆尉

辨 失傳
括 失傳
繁 失傳

叔虎

景遂

逸 仕趙成侯為軍右失傳
遇 失傳
述 適楚為葉公家宰失傳
遠

彪 專趙孝成王

邈 作隸書秦始皇御史失傳

璋 仕趙為典諸

愿 失傳

慤

珍和 光祿大夫

黑 封歷侯食邑千戶

整 兖州刺史封微侯
釐 嗣歷侯

元則 陽陵侯

玄通 關內侯

翔 東郡太守

僧泰 龍封廣平侯

仕達

元嘉 建平侯

橫

回 無子

永 西海郡太守失傳

康 弘農太守封嘉國公

君縉 封都亭侯

文尚 江陽太守居蜀
文爽 三郡太守

孝隆 豫章南昌侯

公會 海西令失傳

孝寵 中散大夫

公嗣

旻 一作吳弘農太守

伯盛 武陵太守
伯弘

紹 又名超梁州司戶
績 封烈侯
奢

元起 車騎大將軍配享廟廷議肅侯
元昱

武 安鄉侯
謹 東平太守
建

曉 黃門侍郎

智達 失傳
智徹 馮翼太守

衛 封曲阿侯子孫居洛趙
上程侯十四世孫慶居鄭州慶子孫居京兆
咸 延

恢 兗州刺史失傳
牧 左司馬

元標 長水校尉子孫居濟
元譚 新安太守因家焉為新安始祖

小傳

伯符

仕周成王七年周公營成周伯符表曰昔營洛邑鸞鸞鳴於岐山今營成周麟鳳在於郊藪皇天眷佑越裳重譯我國家有無疆之休民有無疆之逸書曰建無窮之基亦有無窮之聞十二月周公歸政成王朝諸侯於明堂首以伯符三異之表而進之王書曰嘉績多于先王授伯符國於程書曰旌別淑慝表厥宅里程之地在長安北三十里於漢為安陵古扶風也

休父

仕周宣王元年出征徐方代平淮夷封世忠進伯爵位置大司馬詩曰王謂尹氏命程伯休父左右陳行戒我師旅

嬰

史記晉景公三年大夫屠岸賈欲誅趙氏初趙盾在時夢見叔帶持要而哭甚悲已而笑拊手且歌盾卜之兆絕而後好趙史授之曰此夢甚惡非君之身及君之子然亦君之咎至孫趙將世益衰屠岸賈

者始有寵於靈公及至於景公而賈爲司寇將作難乃治靈公之賊
以至趙盾通告諸將曰盾雖不知猶爲賊首以臣弑君子孫在朝何
以懲辜請誅之韓厥曰靈公遇賊趙盾在外吾先君以爲無罪故不
誅今請君將誅其後是非先君之意而今妄誅謂之亂臣有大事而
君不聞是無君也屠岸賈不聽韓厥告趙朔趨亡朔不肯曰子必不
絕趙祀朔死不恨韓厥許諾稱疾不出賈不請而擅與諸將攻趙氏
於下宮殺趙朔趙同趙括趙嬰齊滅其族趙朔妻成公姊有遺腹去
公宮趙朔客公孫杵臼謂朔友人程嬰曰胡不死程嬰曰朔之婦有
遺腹若幸而男吾奉之卽女也吾徐死耳居無何而朔婦免身生男
屠岸賈聞之索於宮中夫人置兒袴中祝曰趙宗滅乎若號卽不滅
若無聲及索兒竟無聲已脫程嬰謂公孫杵臼曰今一索不得必復
索之柰何公孫杵臼曰立孤與死孰難程嬰曰死易立孤難耳公孫

杵臼曰趙氏先君遇子厚子疆爲其難者吾爲其易者請先死二人
謀取他人嬰兒負之衣以文葆匿山中程嬰出謬謂諸將軍曰嬰不
肖不能立趙孤誰能與我千金吾告趙氏孤處諸將喜許之發師隨
嬰攻公孫杵臼杵臼謬曰小人哉程嬰昔下宮之難不能死與我謀
匿趙氏孤兒今又賣我縱不能立忍賣之手抱兒呼曰天乎天乎趙
氏孤兒何罪請活之獨殺杵臼可也諸將不許遂殺杵臼與孤兒趙
氏真孤乃在程嬰與俱匿山中居十五年景公疾卜之大業之後不
遂者爲祟景公問韓厥韓厥知趙孤在乃曰大業之後在晉絕祀者
其趙氏乎夫自中衍者皆嬴姓也中衍人面鳥喙降佐殷帝大戊及
周天子皆有明德下及幽厲無道而叔帶去周適晉事先君文侯至
於成公世有立功未常絕祀今吾君獨滅趙宗國人哀之故見龜策
唯君圖之景公問趙尚有後子孫乎韓厥具以實告于是景公乃與

韓厥謀立趙孤兒召而匿之宮中諸將入問疾景公因韓厥之衆以脅諸將而見趙孤名曰武諸將不得已乃曰昔下宮之難屠岸賈爲之矯以君命弁命群臣非然孰敢作難微君之疾群臣固且請立趙后今君有命群臣之願也於是召趙武程嬰偏拜諸將遂反與程嬰趙武攻屠岸賈滅其族復與趙武曰邑如故及趙武冠爲成人程嬰乃辭諸大夫謂武曰昔下宮之難皆能死我非不能死我思立趙氏之後今趙武既立爲成人復故位我將下報趙宣孟與公孫杵臼趙武涕泣頓首固請曰武願苦筋骨以報子至死而忍去我死乎程嬰曰不可彼以我爲能事故先我死今我不報是以我事爲不成遂自殺趙武服齊衰三年爲之祭邑春秋祀之世世勿絕宋元豐四年詔准大理寺丞吳處厚奏封嬰誠信侯公孫杵臼忠智侯立廟絳州永爲祀典紹興十六年加嬰忠節誠信侯慶元三年勅封忠翼疆濟公

墓在絳州太平縣夫人安定胡開女淳熙二年升公忠濟王

伯先

封信誠君河北冀州刺史并州都督持節封廣平侯娶廣平游忠女子孫居廣平

叔本

字子華周景王二十年孔子之剡遇子華于道傾蓋而語命子路取束帛以贈趙簡子遣使奉聘弗往著書曰子華子三卷

會

字子元仕趙爲邯鄲尉襄子滅智伯與謀焉後死獻侯之難烈侯立使從享於襄子

遠

仕趙平林胡後死於沙丘之難

珍和

仕漢拜光祿大夫取天水尹禽女

黑

字智遷同張耳仕漢從盧起擊項封歷侯食邑千戶賜几杖年七十八謚曰簡娶隴西李氏

整

字令修仕漢文帝爲兗州刺史封徹侯年九十娶清河張楚女

元則 字不識仕漢武為長樂尉校持節廣平太守元光元年封車騎將軍
從大將軍擊胡以兵屯雁門行必擊刁斗止必為營陣與李廣齊名
封陽陵侯為漢名將取扶風馬氏

玄通 仕漢大初元年從封泰山塞河決幸海擢關內侯除輔國將軍封武
陵侯年八十一取清河張舉女

翔 字文習東郡太守封孝義侯取太原孫寄女

僧泰 漢初平二年典治扶風有殊績匡衡為相擢用閭閻之人程氏有三
異之表託孤之功著在國史襲封廣平永始元年領冀州牧拜司徒
封廣平侯年七十六取廣平游光女生子光繼取河內荀約女生子

永

仕達 竟寧元年封開國公食邑五百戶

康 建國四年辟司空遷弘農太守徐州牧封嘉國公年七十二取太原

王誦女

君縉 元始元年拜貴州安城太守更始二年封郁亭侯取渤海徐貞女

文爽 仕光武拜徐州下邳彭城三郡太守取中郎將王道相女

孝寵 以名家選為郎宿衛永平十六年持節安撫龜茲除信威將軍元和
元年選中散大夫取西河張勤女

公嗣 字有時

旻 受學於陳蕃桓帝延熹二年為徐川郎遷弘農太守

紹 朝議即行四川梁州司戶

奢 初為軍謀建安七年擢鴻臚卿持節臨海太守遷雍州封漢嘉侯年六
十九謚曰烈取汝南應順女表氏 與魏爭河北廣平喪亂故二子避

地東阿

元昱 字仲德身長八尺三寸文武具備獻帝初平元年黃巾賊作昱與薛

房謀救世充州刺史劉代表昱為驍騎都尉守郵城興平元年拜中
郎將領濟陰太守都督兗州事建安六年偕劉備擊袁術等封
將軍安國侯食邑五百戶魏黃初四年封安鄉侯食邑三百戶八
十一沒追贈車騎大將軍謚曰肅侯青龍元年配享太祖廟廷

字道福東平太守魏書作延封烈侯

建 字季明黃門侍郎甘露三年遷汝南太守作伏日吟日平生三伏時
道路無行車閉門避暑卧出入不相過今世襪子觸熱到人家主
人聞客來頻感柰爾何搖扇臂中疼流汗正滂沱傳戒諸高明熱行
宜見呵大著文章有別集三卷詳見魏書本傳

智徹 仕西晉武帝泰始二年除信武將軍遷馮翼太守取天水張慶女
字孝休性明敏晉咸寧元年除王屋令為尉校太康五年拜驃騎將
軍封東阿侯

牧 字仁幽永嘉元年除梁州牧益州刺史持節為黃門侍郎遷左司馬
轉青州刺史食邑一千戶取天水尹珍女子二元標元譚

黃墩

率濱

龍山

會里

汶川

閔川

古城

興田

婺源

河西

中山

撫州

龍灣

唐關

陪郭

善和

長涇

港源

槐塘

河南

箬嶺

龍首山

彰睦

鳳嶺

溪頭

環溪

大程村

仁里

山斗

閔川支派圖

黃亭

勝起遷

富溪

炳遷

新建

烜遷

樂平

允昇遷

方田

炳子思遷

由潭

彦和七世孫遷

小賀

彦政五世孫遷

岡陵

十六遷

六安

十七遷

清潭

二十遷

太湖

十一遷

國宅

三三遷

林家塢

及之遷

金家嶺

汝嗣孫華遷

遂安

謙遷

中洲

禹成遷

房山

四三遷

京山

宿興居西高渠

旣州

仲榮遷瑯玕並遷

光州

彦明曾孫必先遷

湖州

岩楚遷

蘄州

周富從戎始居

光山

儼陽遷

六安

汝松玄孫世恩遷

建昌

德秀始居

慶遠

世哲始居

鴉林 大用遷

石埭 履為孫遷

福州 光祖遷

郭西 嗣晉居

固始 大章遷

池州 履為孫遷

寧波 光華光
祿並遷

廬州 仁仙子
承新遷

干灘 昌朝遷

儀真 尚質倫遷

鄱陽 仁益子
永成遷

黃尖 千一十二
並遷

安東 之棟居

唐關 著作公遷

步郎 十三遷

遼東 輔生始居

岩寺 林二子遷

巢縣 文鉞居

宣州 元五元七
並遷

江寧 于宸居

太平 祖七遷

江寧 于宸居

臨溪 祖七遷

吳門 文鏗文徽
大柯後

木支世系圖

卷三 三

元譚 彪 榮 馮 孝廣 孝信 孝豐 景通 景平 景秀

寶昌 寶明 寶俊 寶貴 寶信 寶真 寶雄 寶雲
法曉 法通 法達 次茂 次恭 次芮
隱雋 道樂 道崇 道業 啓答 寶惠

靈洗 文季 子承 伯當 文榮 子嚮 天慶 文肅 子俊 天願 文瑤 子廉 天寶 文饒 子敬

公顯 公顯 綸 南金 元皓 季隨 繹 志 勝高 勝新 勝先 允琳 仲仁 仲雍 仲信 加福 六 泰 三 二 式 永明 邦傑 邦成 邦正 邦彥 仲先 仲朋 從善

文禎 文奇 文恭 文幹 文震 文愷 文養 文會 文和 文秀 文和 文饒 文瑤 文肅 文榮 文季

澤 湘 沁 俞 陶 渾 濠 清 沁 泊 昔範 西範 匡柔 秉彜 行棗 翰 纂 璠 珍 璵 璣 南銳 元諫 季隨 繹 式 永明 邦傑 邦成 邦正 邦彥 仲先 仲朋 從善

文華
文翼
文瑾
文慎
文藻
文琮
文瓚

明
經
琪
慎
積
繼宗
真
傳

齊元
齊志
齊善
齊友
齊相

顯大
顯步
顯魁

淳
浦

栢

炳先

以邁
以達
以進
以遇
以通
以近
以週

金章 慶原
金韶 慶
金彥 慶康
金奏 慶泰
金表 慶永
金步 慶樂
金蘭 慶泉
金仁 慶榮
金禮 慶
金智 慶
金善 慶
金鼎 慶
金昇 慶
金杲 慶

裔孫以進築圖

閔川十萬程氏本宗世系圖

一世

元譚
新安太守
程氏始祖
諱忠佑公

二世

彪
梁州刺史
失傳

超
梁州牧

三世

榮
失傳

馮
零陵守

四世

孝廣
居陝中

孝信
失傳

孝豐
武陵侯
邑五百戶

五世

景通
散騎常侍

景平
失傳

景秀
荊州別駕

六世

七世

八世

九世

景秀

元鎮 騎曹參軍 失傳
 元歆 餘杭令 失傳
 元實 巴西守 失傳
 元雅 失傳
 元政 豫章太守

寶昌 失傳
 寶明 徙東陽
 寶俊 陶潛妻以女弟 失傳
 寶貴 失傳
 寶信 會稽作寶
 寶真 會稽作寶
 寶雄 吳郡太守
 寶雲

法曉 新安丞
 法通 失傳
 法達 失傳

隱雋 龍驤將軍

十世

十一世

十二世

十三世

隱雋

道樂
 道崇 長史子孫 居樂平三松村
 道業

次茂 刺史
 次恭 失傳
 次芮 失傳
 次宗 居方村下 里失傳
 次超 居方村上 里失傳
 次熊 居方村中 里失傳
 次虎 居益昌谷
 次豹 居傳村 失傳

啓答 少監
 覺 論德 失傳

寶惠 從仕郎

古壘

古壘

古壘

古壘

靈洗 梁將軍謚忠壯公廟祀黃墩

伯當 會論作當

文季 都督

子承 早卒

文粲 鄱陽太守失傳

文肅 海寧令失傳

子嚮 新安內史 都封重安侯

文瑤 壽昌令失傳

文饒 太子率更令失傳

子同 為周所殺失傳

文秀 尚書選部郎失傳

文和 太子左衛率無傳

子俊 長林令失傳

文曾 北海曹曹失傳

文卷 無傳

子廉 太子左衛率失傳

文愷 太子左衛率無傳

翻

寶惠

天慶 會論作此

天願 戊陽令

天寶 會論作天

文震 太子左衛率無傳

子敬 豫章王府參軍失傳

文幹 太子左衛率無傳

文恭 太子左衛率失傳

子澄 失傳

文奇 左郎將失傳

文禎 駙馬都尉

子林 江夏尉失傳

文革 太子舍人失傳

文翼 弋陽令失傳

子瑀 平恩令失傳

文瑾 壽昌令失傳

文慎 中兵參軍失傳

子猷 為周所殺失傳

文藻 江蘇勳失傳

子思 為周所殺失傳

文琮 南平王府參軍失傳

文瓚 餘干尉失傳

子元 失傳

訓

育 隋車騎將軍 生皆皆生弘 弘生大辨遷中 山生文英文英 生浩是為河南 兩夫子派

七世

十九世

二十世

廿世

詡

公顥

中州刺史

公顯

失傳

紇

馮翼司倉參軍

綸

商洛尉

南金

長林令

南銳

睦州別駕

元皓

定州刺史

元諫

廿世

廿三世

廿四世

廿五世

元諫

季隨

知括州

繹

著作郎

昔範

進士第著作郎

西範

失傳

匡柔

清海縣軍生營吾生

諒諒生鳳凰生抗

遷臨溪抗四世泰

為上十房壽為下

十房泰居山后春

居黃泥泰居泰塘

春居簿郎

秉彝

大理司直臨溪泰塘

榆村草市黃泥諸

派

行褒

參軍

共世

世

世

行褒

諒 吳門陪郭派

幹 開化樂平貴 溪宣城諸派

纂 號道子

翰 婺源周溪派

瓊 富登開化白 沙北原諸派

璿 長翰山岑山 渡派

珍

璫 泊水番川鄂 州派

琮 德興鳳凰瀘 口南溪諸派

洎 一名濬饒州景德鎮祖

泚 新屯率口湖湘祖

清

澧 東密巖將漢川祁門善和興田 錦里程山祖

渾 居漢川遷祁門

淘 東密巖將居漢川

渝 號十萬公徙漢口麻山後遷閩口

汾 河西槐塘仁里祖 已上八子據 印本譜

湘 工部尚書婺源祖 合云九子

澤 早亡會里諸派 合云十子

小傳

一世

元譚世居河朔洛州初為瑯琊王司馬除鎮東軍謀劉聰作亂晉元帝興

於江左大興二年元譚渡江仕元帝初歷江陽守遷襄州刺史明年

持節新安太守綏輯流民疏通血滄教民孝悌舉俊造朝郡民大悅

永昌元年代還百姓遮留不得發降詔褒嘉賜第宅于歙之河西卒

年八十一取丞相東海徐進女卒合葬城西十里牌驛路之旁墓前

有雙石人上人因名其地曰雙石生二子長曰彪次日超事具總管

方回撰新安太守元譚公墓碑正統間都御史歙程富立華表墓前

塋地一畝坐落歙縣袁繡鄉二十三都表字四百九十七號見業世

忠廟

二世

明川一萬里天衣宗會

卷三

彪 晉梁州刺史失傳

超 建元元年為遠寧護軍二年除梁州牧取清河張氏葬開封府丘縣西十八里有碑

三世

榮 失傳

馮

字弘記身長八尺有膂力咸康八年為長水校尉建元二年為合浦守遷零陵守取游氏子孝廣孝信孝豐

四世

孝廣

以父沒南海補衙長桓溫代蜀沂江西上以公守梯歸遂留居峽中

孝信

失傳

孝豐

初為度水司馬桓溫北代拜安南將軍哀帝三年遷陳留太守封武陵侯食邑五百戶卒年六十三取太原王獻女英開封丘縣子景通

景平景秀

五世

景通

會稽王典記室即位除散騎常侍失傳

景平

失傳

景秀

太元十七年除荊州別駕年六十三取太原齊武公王僧女子元鎮元歆元實元雅元政

六世

元鎮

騎曹參軍失傳

元歆

徐抗令失傳

元雅

畫極知名失傳

元實

宋高祖平蜀行巴西太守失傳

元政

宋高祖起兵拜建武將軍討桓玄迎安常入長安隆安元年渡江遷

安都陽新安三郡大守擢左司馬義熙五年遷豫章太守年八十
一葬夫咨崗取游氏子寶昌寶明寶俊寶貴寶信寶真寶雄寶雲

七世

寶昌 失傳

寶明 徙東陽

寶俊 字邦光陶潛愛其為人妻以女弟潛歸柴桑公往依之江州請為民

曹掾失傳

寶貴

字天福以字行宋高祖以豫章公有開宋公召為句容令元嘉中擢
為吳令太武遣尚書李季伯風之仕不受失傳

寶信

寶真

寶雄

寶雲

字天祚以字行元嘉二年轉本府參軍二十七年擢殿中將軍戍彭
城魏侵宋詔劉泰之等領軍遣天祚以本部督戰至譙城閱兵營汝

陽與魏遇天祚與戰斬三千人虜潰走泰之歸汝南城虜知天祚軍

孤復至泰之戰沒天祚身被八九創魏太祖後至縛天祚撫之曰南

北之分各貴立功而已天祚曰亡囚不足以辱至尚異時死正首丘

尚與哀憐上曰聞爾兄天福亦足謀曰臣兄鉄石心人何辱足下乃

遣尚書李季伯招之天福曰吾弟受命汝陽不能効節吾何用于宋

武帝即位改元孝建天祚領所部降武帝以天祚為龍驤將軍守闔

闔門大明二年王岐以千人擊天祚力戰斬之封其子艾亭侯遷天

祚吳郡太守代還年七十六取瑯琊王氏葬新屯下咨子法暉法通
法達

八世

法曉 字仲永封艾亭侯順帝昇明二年除新安丞辭歸年七十取顧氏葬下洛山子隱雋

法通 字仲若與南陽宗彧之為物交不仕失傳

法達 失傳

九世

隱雋 字德士仕通議大夫補五兵曹遷太子家令轉龍驤將軍行中兵參軍尚齊高帝公主子道樂道崇道業

十世

道樂 仕齊為丹陽內史都官尚書 年七十五取清河張氏葬下洛山子次茂次恭次芮

道崇 長史子孫居樂平三松村失傳

道業 子次宗次超次熊次虎次豹

十一世

次茂 為齊長史東昏侯詔茂都督郢州輔國將軍遷舒州刺史及梁臺已建擢為司馬梁武帝天監中為東陽令辭職居田自娛沈約言于帝復召除丹陽尹轉昭明太子家令取何遜女子啟答覺

次恭 失傳

次芮 失傳

次宗 居方村下里失傳

次超 居方村上里失傳

次熊 居方村中里失傳

次虎 居普合子孝本失傳孝勇二世孫洵徙樂平孝節失傳

次豹 居博村失傳

十二世

啓啓仕梁爲司徒左長史遷散騎侍郎梁武帝大同四年爲少監取吳興
沈氏葬黃石子寶惠

覺 簡文帝位東宮以公爲諭德太清之難死于京師失傳

十三世

寶惠 字公智梁武帝太清三年擢太學博士時朱异議納侯景衆曰難作

矣寶惠盡室歸黃墩時湘西侯蕭隱守歙碎爲儀曹掾十三年甲午
授從仕郎年五十九娶胡氏封梁國夫人葬黃牢山子靈洗當伯天

慶天願天寶

十四世

靈洗 字玄滌新安海寧人也少以勇力聞日行二百里便騎善游射手殪

妖虜以安鄉里東魏侯景之亂起聚歙兵以拒軍據有新安新安大
守相西侯蕭隱奔侯焉靈洗奉以主盟梁武帝太清三年授雲麾常

侍元帝承聖三年詔受建威將軍兼領新安太守轉遷譙州刺史封

巴丘縣開國侯恭帝紹泰元年太平二年至陳武帝永定三年其六
年之間復歸陳以功累遷中軍除青州刺史轉授冀州都督持節諸

軍州事食邑五百戶後助王僧辨鎮防及武帝誅僧辨靈洗領所部
求援其夜力戰于石頭西門武帝軍不利遣使詔諭久之乃降帝深

嘉之授蘭陵太守仍助防京口及平徐嗣徽有功領丹陽太守封遂
安縣侯隨周文郁西討王琳軍餘爲琳所拘尋與侯安都等逃歸累

遷太子左衛率武帝崩王琳潛軍東下靈洗于南陵破之虜其兵士
并獲青龍車數十乘以功授都督南豫州刺史天嘉二年授使持節

西道都督諸軍州事進爵司空時候瑱等敗王琳於柵口靈洗乘勝
逐北據有魯山徵爲左衛將軍天嘉四年周迪重寇臨川以靈洗爲

都督自鄱陽別道擊之迪又走山谷間遷中護軍出爲都督郢州刺

聞朝廷深嘉其忠為增守備給鼓吹一部因推心以待之使其子文
 季領水軍助防時周將元定率步卒二萬助皎圍靈洗嬰城固守及
 皎敗乃躡定定不獲濟江以其衆降因進攻克周沔州擒其刺史裴
 寃以功改封重安縣公靈洗性嚴急御下甚苛刻士卒小有罪必以
 軍法誅之然號令分明與同其苦衆亦以此德之性好播植躬勤稼
 穡別水陸行宜刈獲早晚雖老農不能及也伎妾無游手並督之紡
 績至于散貨財亦弗儉吝卒贈鎮西將軍開封府儀同三司謚曰忠
 壯大建四年配享陳武帝廟廷南史五十三卷內有傳宋寧宗嘉定
 十六年勅賜世忠廟額理宗寶慶三年封廣烈侯淳佑十二年加封
 廣烈孚佑侯寶佑二年加廣烈孚佑顯應侯寶佑三年加廣烈孚佑
 顯應忠惠侯寶佑五年轉加忠烈顯惠公當年六月加封忠烈顯惠

靈順善應公元泰定三年加封忠烈顯惠靈順善應王正官夫人童
 氏勝妾二十餘人生二十二子長日文季為都督次文禎天康改元
 為招討威遠將軍行義安郡太守轉持節諸軍事桂州刺史臨安縣
 開國侯食邑五百戶尚武帝長興公主加駙馬都尉留衛京師生五
 子襲侯爵文華補小柱令遷太子舍人文秀為尚書選部郎文藻為
 江祿勳文慎為中兵參軍文粲猿臂善射行鄱陽太守文瑤為壽昌
 令文琮南平參軍文瑾為司馬文瓚餘干尉文和文幹文愷文震文
 恭累官至太子左衛率文翼弋陽令文曾北海胄文肅海陵令文
 奇左郎將宅在黃墩射蜃湖之東墓在湖之北湖濶三百步深三十
 餘丈士人稱相公湖射蜃柵鼓吹臺相公壇十年木歷歷猶在廟食
 祀典千載弗磨功蹟具載羅願胡麟程瑛碑記夫人童氏封惠懿夫
 人葬東塘尾

當伯 取郡功曹張景女

天慶

天願 梁紹泰中補羽林主帥陳遷弋陽令

天寶

本名靈澈梁泰清中為衛兵長臺城之變改名天垣忠壯公鎮郢州公在軍中以矯健自負身長九尺二寸儀容壯偉軍中為之語曰靜無譁程毗沙毗沙者天王號也由是敵人目之曰天王章昭達討後梁青泥之役梁人獲公獻于周領兵攻齊以功爵聞喜縣男至德中還後主不知禮命為鄱陽丞朝議以為枉

十五世

文季

字少卿幼習騎射多幹畧果決有父風弱冠從靈洗征討必先登陷陣靈洗與周文郁侯安都等敗于沌口為王琳所執武帝召陷賊諸將子弟厚遇之文季最有禮容深見優賞文帝嗣位累遷新安臨海

太守時乘金翅車助父鎮郢城華皎平文季父子並有捍禦之功及靈洗卒文季盡領其衆起為超武將軍仍助防郢州文季性至孝雖軍旗奪禮而毀瘠甚至服闋襲封隨都督章昭達率軍往荊州征梁梁人與周軍多造舟艦置清流水中昭達遣文季潛道戰往盡焚之又夜入其外城殺傷甚衆既而周兵大出文季僅以身免以功加通直騎常侍大建五年都督吳明徹北討至秦郡前江浦通涂水齊人攻秦郡克之又別遣文季圍涇州屠其城進拔盱台又隨明徹圍壽陽文季臨事謹飭御下嚴整前後所克城壘率皆迮水為偃土木之功動踰數萬置陳役人必先諸將夜卧旦起迄暮不朽軍中服其勤幹每戰常為全鋒齊軍深憚之謂為程虎以功除散騎常侍帶新安內史遷北徐州刺史加都督後隨明徹北侵為周所執不屈死于獄

追贈散騎常侍重安縣侯以其子嚮襲封娶王氏生九子繼蘇氏生

三子

文粲 威遠將軍行鄱陽太守失傳

文肅 海寧令失傳

文瑤 壽昌令失傳

文饒 太子率更令失傳

文秀 尚書選部郎失傳

文和 太子左衛率早卒無傳

文曾 北海胃曹失傳

文養 無傳

文愷 太子左衛率早卒無傳

文震 太子左衛率早卒無傳

文幹 太子左衛率早卒無傳

文恭 太子左衛率失傳

文奇 左郎將失傳

文禎 天元中為招遠將軍行義安郡太守忠壯公加執劍授持節桂州諸軍事桂州刺史臨安縣開國侯尚長興公主加駙馬都尉留衛京師子五子壽子威子榮子仁子成俱失傳

文華 太子舍人失傳

文翼 陽令失傳

文瑾 壽昌令失傳

文慎 鄱陽王府中兵參軍失傳

文藻 江祿勳失傳

文琮 南平王府中兵參軍失傳

文瓚餘干尉失傳

十六世

子承 早卒

子響

為新安內史襲封重安侯禎明中領兵戍京口入隋拜開府文帝召

見從容訪以江南風俗六代得失子響敷奏有旨風采可觀帝甚悅

顧謂平素曰昔晉平吳顧策之籌不為太康所識陸機兄弟文行相

詭顧豈不如吾得許善心程子響耶為人臣當竭臣節為最任蠻奴

輩何足道耶未幾詔為太子少傅封平樂子帝曰煩卿剛正輔吾子

之不逮其後太子勇以罪廢左遷揚威將軍丹陽內史煬帝即位徵

還道率取陸氏子翻詔育

子同

為周所殺失傳

子俊

長林令失傳

子廉

太子左衛率失傳

子敬

豫章王府中兵參軍失傳

子澄

失傳

子林

江夏尉失傳

子瑀

平恩令失傳

子猷

為周所殺失傳

子思

為周所殺失傳

子元

威悼公在周取武功蘇氏遺腹生公寄食舅氏師事文中子王通失

傳

十七世

翻

字長虞隋補衛長出為盤屋尉三子公順早卒公頡得餌芝木方公

頡有唐舉知人之術遷居相

詡 字幼虞兄弟同學于叔父子元詡操旨深謚不以世務經慮揚素蘇
寬累請不起大業未入下瓜裂還鄉里以經術教授郡盜往往釋兵
受業焉詡通五經尤善於易為易說十篇有乾元亨利貞論最為儒
者所推子公顯公顯

育

隋車騎將軍生皆皆先弘弘生大辨遷居中山生文英文英生皓是
為河南兩夫子派

十八世

公顯

唐高宗龍翔元年補長林令試御史知大理評事上元二年遷中州
刺史取左丞相劉洎女子絢綸

公顯

失傳

十九世

絢

陰補太子左清道率終于左馮翊司庫叅軍取岑文本姪女子南金

南銳

綸

上書武后釋褐除商洛尉子南美孫平為臨海丞恭溫俱失傳

三十世

南金

字楚貢睿宗為相王以術士奉王府開元初鬱鬱不得志求外補授
長林令子元皓元諫

南銳

先天二年進士再登宏詞科長萬年尉徵為國子丞內供奉拜水部
員外郎太平公下廢坐為崔湜蕭至忠所薦貶睦州別駕子咸薛王
府中兵叅軍無子辨失傳

三十一世

元皓

開元中登武科安祿山叛郭子儀承制拜定州刺史秩滿居定州

元諫

字仲幾開元二十七年崔翹榜進士第選籃田尉遷著作郎大理寺
值越騎都尉終于密州刺史蒞有政蹟取秘書丞王建女子季隨

三十二世

季隨

字公執又字仲達天寶十年李麟榜進士第選太平軍參軍遷率府
錄事安史猾夏避難江東永王璘為司馬浙東辟友使皆不赴韓滉
鎮金陵奏為監察御史節度推官郭子儀領兵安西辟西府掌書記
轉殿中侍御史賜緋魚罷為膳部員外郎遷主客郎中出知括州從
潭州大都督長史子繹

二十三世

經

字文純以公主甥補千牛長史在安西以裨贊功除一子官試朝議
郎京兆府功曹參軍累遷朝散大夫醴陵令以政尤異詔曰其官某
誠感于人適於時五陵豪傑紳雄張於里閭三輔孝悌弘禮讓於風
俗京邑翼翼四方之則擢任繁重其於肅清可授長安令散官如故
久之遷秘書省著作郎高陵令裳袞集內有敕程繹云歎乃修政謫
然風聲子西範昔範

二十四世

西範

字子整應進士舉有當時名失傳

昔範

字子齊憲宗元和十四年擢進士第授集賢院正字拜左拾遺著程
子中模三卷韓愈見而重之特旨拜著作郎長慶中為八關十六子
取太常顏恪女子三柔乘彗行褒

二十五世

匡柔 青海監軍著大唐補紀三卷是為臨溪派

秉彝 劉晏領漕事置楊子益缺留後院辟為判官累授大理司直是為臨

溪泰塘黃泥榆村草市諸派

行褒 字神谷隋文帝開皇二年為本郡典籤參軍遷牙帳咨議參軍年七

十二沒葬古墓山頭娶吳氏子諒幹纂翰

二十六世

諒 吳門休寧陪郭派

開化樂平貴溪宣城諸派

纂

字思襲又字公繼號逍遙子誼道德經冲虛經澹薄世味年九十七

娶張氏子瓊璿珍璫琮

二十七世

翰

婺源周溪派

瓊

統宗諱作歛富登開化白沙北原諸派

珍

字席儒號德和少跡弛喜任俠有膂力長更折節讀書通春秋戰國

策時天下瓦解高駢鎮淮海周寶鎮浙西累辟不起生子曰洵沚清

澧渾洵渝汾又有名湘者名澤者或云九子或云十子

璫

泊水番川鄂州派

德興鳳凰瀘口南溪諸派

厚... 萬程氏本宗譜

卷三

閔州十萬程氏本宗譜卷三終



